

**ECCLESIA DEI
DIVINO SPIRITU
MOLITORE
RUINARUM
INSTRUMENTIS...**

Paolo Girolamo Pallavicini,
Valenti Gonzaga



THE NEW YORK

LIBRARY

OF THE

ALBANY

DEPT. OF

SPRINGS

ALBANY

OT A T O

ALBANY

ALBANY

ALBANY

ALBANY

ALBANY

ALBANY

ALBANY

ALBANY

ALBANY

INNOCENTIO XII.

PONT. MAX.


PAULUS HIERONYMUS PALLAVICINUS
Fœlicitatem.



*CHRISTI Domini Ecclesia, quæ di-
vini Spiritus Adventu, antiquis
excidiis instrumentis, sono sci-
licet, igne, & diversitate lingua-
rum, extructa per hanc Orationem
describitur, tuo notari nomine postulat, BEATIS-
SIME PATER. Ille enim ipse in Ecclesia Te
Caput assumpsit Cœlestis Spiritus, qui mirificis illis
olim modis molitur Ecclesiam est. Sisto igitur Bea-
titudini Tuae expressam hic Christi Ecclesie structu-
ram, quam Ipse tibi divinus Opifex concreditam
voluit, dum Sacro Terrarum Imperio dignus, Cælo
judice, & suffragante Spiritu veritatis, es visus.
Et dignus quidem: si enim, quæ antiquitus fuerant
exitia, nova vertit in beneficia Deus, dum Eccle-
siam molitur; Tu vel ipsa calamitatum nomina
splendida miseratione illustras, Ecclesiam dum
regis. Inopiam nempe, luctum, atque famem non
modo angusto, benignoque vultu excipis, verum
etiam liberali, ac regia pectoris beneficentia ad de-*

licias usque solaris: ut quibus erecta, iisdem flet
 Machinis Ecclesia, calamitatibus nimirum in fæ-
 licitatem conuersis: Quam benè Pontifex Beatissi-
 me, Petri solium implet, si ad illud unà cum sce-
 ptris Dynastarum lacrimæ Populorum advolvun-
 tur, ut diuino Tuae liberalitatis ingenio eliquentur
 in gaudia? Quam abundè Christi Oves pascis in
 Vaticano, si te Pastore egenis, & miseris felicitatis
 argumentum est, non esse felices? Quam apè Tibi
 tradita Regni cælestis clauēs, si regiam sanè do-
 mum, & quoddam quasi Cælum in terra iis rese-
 ras, qui inopiæ suæ angustiiis pressi vel terra angu-
 lum desperauerant? Optimo igitur jure, quam Ec-
 clesiæ spopondit Deus, Tibi beneficentissimo Pastori
 ac Parenti immortalitatem auguramur. Esto ipsa
 Tui nominis immortale monimentum Ecclesia; ;
 ipsa, dum Tu, præstructo Tibi exiguo corporis tu-
 mulo, famam, vel ante cineres, contempsisti, egre-
 gio contemptori amplissimè pensabit contemptæ glo-
 ria jacturam solidissima aternitate: Ut simul cum
 ipsa Dei Ecclesia terroris & ruinæ instrumentis di-
 uinitus erecta, nunquam non mansura, maneat
 semper in Posteritatis animis & linguis faustissi-
 mum, atque augustissimum nomen, INNOCEN-
 TIUS XII.

ORA-



ORATIO.



UVAT in Cælum timida nimium vota laxare, B.P., cum Dei Spiritu adveniente, eò felicitatis deventum, ut in spem abierint timoris irritamenta, & futuræ in argumentum victoriæ cesserint præteritarum cladium insignia. Nihil certè nobis timendum magis, quam timor votorum, quando cælestis hic Spiritus, quæ in Orbis perniciem è Cœlo contorserat exitiorum instrumenta, jam in Orbis arma, non ad hostilem, sed amicam, & amabilem Cæli expugnationem recudit: & quibus olim petebat hominum scelera machinamentis, eriguntur hodierna luce spes omnium, & vota. Sonum scilicet, Jerico antiquitus everforem, nunc ad Ecclesiam statuendam attemperat; hanc ut muniat, flammæ olim in Pentapolitanum excidium effusas eventilat; hæc demum Cælo
con-

contermina ut fiat, linguarum divortia, quibus grande Babilonicæ Arcis rudimentum elusum jacuit, in partem operis vocat. Sic firmior ex Sono, ex Igne validior, ex Divisione linguarum excelsior Civitas Dei, per tria exitiorum instrumenta & nomina, architectante Dei Spiritu, feliciter extruitur, & firmatur.

Spiritus igitur veritatis septem illas buccinas impulit, quibus olim personare Sacerdotes videbantur, obsessa Jerico mœnia, septiès in orbem obeuntes: eo maximè nomine victoria digni, quod ad victoriam, per quamdam triumphî potius, quam certaminis, speciem, mirificè pergerent. Quasi insanientes ex adverso hostis irridebat, quos debuerat timere, cum cœlesti sapientia feliciter insanirent; nec telorum acie, sed Dei armarentur instinctu, victores ante futuri, quam milites. Septenis iterum classicis canitur, dum totidem nempè muneribus, repentinus è Cœlo sonus, tamquam Advenientis Spiritus vehementis, augustam Apostolorum Curiam implevit, non ut Ecclesiæ Senatum affligat, sed Patrum ut animos firmet, quorum subindè sonus in omnem Terram exivit, acceptæque divinitatis copiam refundens, Populos, & Regna salubriter inflam-mavit. Sapientissimam illis insaniam ebri-tati verterit Hierosolyma, riserit Gentium,

con-

contumaciâ, ex cruciarit rabies Tyrannorum ;
felicissima celeritate pugnatum tamen : pri-
mo Evangelicarum Tubarum clangore fusi
hostes, strata Idola, diruta Tempia, in Ca-
pitolio triumphatum.

Triumphator verò Sonus ad triumphum
cum Igne conspiravit, quicū bellator co-
niuraverat in bellum. Ex altō sulphuris ag-
gere quinque illæ Urbes, flagitio juxtâ in-
fames, ac exitio nobiles, lividos hūc ocu-
los vertant. Pluvium in flammâ Cælum, quo
illarum fortassè adhuc cineres calent, nascentem
Ecclesiam cingere, ac munire suspiciant,
ardentium vallo tempestatum. Horrendum
in illis supplicium, maximum in ista benefi-
cium, Spiritus æstuantis incendium. Illud,
in Uxore Lothi crimen fuerit, vel spectasse ;
hoc, in Apostolis virtus est, vel meruisse ;
laus exoptasse ; privilegium sensisse. Hinc in
Orbem Universum volatilis elementi impa-
tientia, hinc in Populos lux irrequieta, hinc
ardor ineluctabilis. Terris longè latèque
conflagrantibus, undique concursum ad flam-
mas, toto quas non potuit Nilo, aut Gan-
ge, aut Oceano interfuso Terrarum Orbis
restringere. Quinimò ex ipso Apostolorum
sanguine vires intendebat ignis in funere,
majus ut excitaret incendium post cineres.

Absoluta tandem res est, ac triplex illud
exitiorum nomen migravit in structuram, &
incre-

incrementum Ecclesiæ : hujus nimirum erecta Moles, eadem diversitate linguarum, quæ Babilonica Turris elisa temeritas est. Illæ enim itum in astra, quæ Gigantum deturbata superbia, inauspicatum iter molientium. Tunc vocum discordia machinas in Cælum euntes disiecit; nunc in discipulos dispertita linguarum diversitas iter in Cælum aperuit. Nec sanè Gigantes Apostolis defuere, in quos armarent multiformes linguarum suarum ignes. Dedere Inferi Tirannos, vetus Roma Cæsares dedit, Gigantes suos : data postmodum in Pontificibus Sanctissimos Ecclesiæ totius Pastores, & in Purpuratorum Patrum Senatu almæ Sionis imaginem.

Statuam nescioquam memorant, quæ diu scalprum lassaverat, nondum perfecta cum foret, fulminis ictu absolutam. Christi Ecclesiam verè statuam dixeris, quippè adversus irruentis Inferi portas verè stantem, semperque constitutam. Statuam hanc fragore, & flammis, & linguarum divortiis, tribus quasi exitiorum nominibus, & fulminibus habemus è celo, quam prodigialiter, tam feliciter, & fundatam, & extructam.

F I N I S.